

Sunday, July 26, 2026

Time - 2:30pm - 2:35pm

AKASHVANI AIZAWL
REGIONAL NEWS UNIT

REGIONAL NEWS BULLETIN
(MIDDAY)



MAMIT ROADS

Chief Minister Pu Lalduhoma chuan Mamit district chhung kawngpui siam mek leh siam tura harsatna tawh a nih dan hrang hrang a sawi fiah.

Chief Minister hian Zirtawpni a Kawrthah North VC chawimawina lawmna a telpuina-ah Mamit district chhung kawng dinhmun a sawi fiah a. A sawi dan chuan Lengpui leh Langkaih inkar kawng, NH 108 chu thlur hnih (double lane)-a siam tur a ni a. Hnathawktu Gayatri Project Limited, Hyderabad-in an thawh zawh theih tak loh avangin August ni 24, 2023 khan ban an ni a. Hna thawh hmabak (Balance Work) te thawhna tur sum ruahman cheng vaibelchhe 170 leh nuai 96 an siam a. Sorkar laipui chuan October ni 8, 2025 khan a rawn pawmsak a. A thawk turin kumin May ni 13 khan Nidhi Creative Infrastructure, Silchar chu thlan an ni a. Anni hian hna hi an thawk nghal a, fur ruahtui a tlak chhunzawm tak avangin kawng chhuat tak hi chu an khawih zui thei ta rih lo a ni, a ti.

Pu Lalduhoma chuan Darlak leh Tuidam inkar pumpelh chu Ministry of Road Transport & Highways (MoRTH) in One Time Improvement tih phalna ni August ni 11, 2025 khan a ti chhuak tih sawiin, Hmun danga mite nena One Time Improvement thawhna turin cheng vaibelchhe 48 leh nuai 63 a rawn sanction niin a sawi a. Rang takin Mizoram sorkarin Draft Tender Document a siam a, Ministry approval lak leh a ngai a, thawn a ni a. An rawn approve hnuah Online Tender tichhuak leh in, a chhangtute Technical Bids chu kan endik vek anih hnuah Ministry lamten an endik ve leh a. Tender chinfel chhung kha a rei ta ani ati.

Tih tur tulte tihfel vek a nih hnu-ah a chhang hniam ber HES Infra Pvt. Ltd hnenah kumin March ni 10 khan Work Order pek an ni a. Fur ruahtui tlak hmaa thawk zo turin hriattir an ni nghal bawk a. Anni pawhin an theih anga rangin hna hi an thawk ve nghal niin Chief Minister chuan a sawi.

He hunah hian Pu B. Lalchhanzova, FCS & CA Minister pawhin thusawiin, IGGL Project hnuaia Gas pipeline thawh mek chu nakum February thlaah Sihhmui thlentir tum ani,ati a, he pipe line hi a puitlin hunah chuan Hachhek tlang dung khuate chu Gas pipe connection an pe thei turah an inngai niin a sawi.



CIVIL HOSPITAL

Civil Hospital, Aizawl Senior Medical Superintendent Dr. Lalchhuankimi chuan tun hnaiah an damdawi in chuan nasa takin hma a sawn tih a sawi.

Tun hnai khan Civil Hospital hian an Conference Hall-ah Kayakalp Award 2025-2026 an dawn an lawm a, he hunah hian Dr. Lalhchhuankimi chuan kumin January thla atang khan Cardiac Catherisation Cath Lab thar chu tangkai taka hman a ni tih a sawi a, Cardiac Catherisation Cath Lab chu lung tihrawl chawmtu thisen zam pin leh pin loh enna a ni tih sawiin, a lo pin chuan Sten vuah thin a ni a, lungphu battery (Pacemaker) a vuah theih a, lungpawp thenkhat a thawm theih a ni ati.

Kan Correspondent sawi danin Civil Hospital Paediatric Department ah Neonatologist an neih avangin SNCU chu tha takin kalpui theih a ni tawh a, Paediatric Critical Care lamah Super Specialist an neih tak avangin Paediatric HDU leh ICU an nei tawh bawk a ni.

Civil Hospital, Aizawlah hian Medical Record Department a damlo te Medical Records chu Digitalized a ni tawh a. Hei hi MUHCS atan te, Diplomate of National Board (DNB) zirlai leh zirbingna nei te tan a tangkaiin, awlsam takin a Soft Copy pawh a lak chhuah theih a ni



ROCKFALL

Aizawl Kulikawn (Ngaizel) pheia lungtla/leimin hlauhawm tak awm mek chu a hnuai kawng hmangtute him zawk na’n mithiamte ruahman angin (tuam) tur a ruahman a ni

He mi chungchangah hian Aizawl district bawrhsap Pu Lalhriatpuia, Aizawl District Disaster Management Authority chairman ni bawk chuan Disaster Management Act, 2005-in thuneihna a pek angin thupek a chhuah a. Kulikawn (Ngaizel) pheia a draping (tuam) hna thawh chhung July ni 27 leh August ni 1 (chawhma dar 10 leh tlai dar 4) inkar chhungin lirthei eng chi mah tlan phal a ni dawn lova, Lalnghakliana Filling Station pawh hnathawh hun chhung hi chuan khar tur a ni.



MANN KI BAAT

Prime Minister Narendra Modi-a’n Kargil Vijay Diwas-ah ram tana nunna hlantu sipai huaisente hriat reng an ni tih sawiin ralthuam siam chhuah lamah a ni emaw, ramdanga hralh chhuah a ni emaw, ram dang nena thawh dunna tha neih a ni emaw, India chuan hma lam a pan chho zel a ni, a ti.

Vawiin Akashvani-a Mann Ki Baat hun a hmanna-ah he thu hi sawiin Pu Modi-a chuan vawiin July ni 26 hi calendar-a a hranpaa chhinchhiah tul lo, Kargil indonaa India sipaiten hnehna an chan lawmna ni, Kargil Vijay Diwas a ni, a ti a, Mother India venhim nana an nunna hlu tak hlantute leh sipaite hnenah zahna chibai a hlan a ni.

